

Sarkina Bt Mat Saad @ Shaari

From: UUM CORPORATE COMM.
Sent: Tuesday, January 28, 2020 3:55 PM
To: UUM - All Staff; UUM - All Students
Subject: UUM Dan UAD Sepakat Realisasi Inovasi Dan Industri 4.0



UUM Corporate Comm.
Universiti Utara Malaysia

28 JANUARI 2020 / 3 JAMADILAKHIR 1441H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Prof. Dr. Che Su Mustaffa
Gambar oleh: MPUUM

UUM DAN UAD SEPAKAT REALISASI INOVASI DAN INDUSTRI 4.0



UUM ONLINE: Maghribi – Hasil perbincangan antara Universiti Utara Malaysia (UUM) menerusi Majlis Profesor UUM (MPUUM) dengan Université Cadi Ayyad (Cadi Ayyad University) di Marrakesh menunjukkan impak positif apabila kedua universiti bersetuju untuk menjalinkan kerjasama strategik untuk menandatangani Memorandum Perjanjian (MoA) pada masa hadapan.

Hasrat awal itu disuarakan Pengarah Pusat Kerjaya/Profesor Matematik, UAD, Prof. Dr. Mohamad Aitbabram yang mewakili Presiden UAD dan ia turut dipersetujui Timbalan Naib Canselor (Penyelidikan dan Inovasi), Prof. Dr. Ayoib Che Ahmad.

Prof. Dr. Ayoib berkata, beliau berharap pelaksanaan MoA itu akan dapat direalisasikan dan disegerakan bagi manfaat kedua pihak khususnya bagi program pertukaran staf akademik, pelajar, penyelidikan dan penerbitan bersama.

"Ini adalah selaras dengan hasrat UUM dan UAD ke arah menjadi universiti *visibility* di peringkat kebangsaan dan antarabangsa melalui inovasi dan pelaksanaan Industri 4.0.

“Sebelum ini, UUM pernah mempunyai tiga tenaga pengajar dari UAD selaku profesor pelawat dan kini hubungan rasmi akan terus dijalin menerusi MoA yang bakal ditandatangani kelak di bawah tanggungjawab Pusat Pengajian Sains Kuantitatif,” katanya yang mengetuai lawatan MPUUM ke Maghribi.

Tambah beliau, dari aspek kerjasama penyeliaan peringkat pasca sarjana, Pusat Pengajian Perniagaan Islam (IBS) menawarkan perbincangan lanjut berkaitan pelajar dan staf akademik UAD yang akan melanjutkan pengajian ke UUM kerana IBS membenarkan tesis ditulis dalam Bahasa Arab.

Sementara itu, Dekan Fakulti Sains Teknikal, Prof. Dr. Mouha Taoijrit berkata, UAD yang ditubuhkan pada tahun 1975 kini menekankan kepada inovasi dan berhasrat merealisasikan Industri 4.0 dalam pengajaran dan pembelajaran sepertimana juga yang diinginkan oleh UUM.

Katanya, gandingan antara UUM dan UAD dilihat sebagai satu usaha sama yang kukuh bagi pembangunan akademik kedua universiti.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.